

Gureε

Year 1

YEŋO

4

GULESEGO WARA DUMA



TŊGUM LA BU TUUMA

Gurene gulesego wara

POSEGA

Bobedina wa tu yeti tu bise la tu guleseri Gurene tŋgum la dŋla waresi'a. Gulesego warasi'a ti tu dŋla gulesa yu'ura yelebea, itego yelebea, yusŋsi la yupa'alesi zã'a waabi tu wan bise ba kalam. Tu wan bise yu'ura yelebea gulesego wara la, sela n tagele de la yusŋsi yelebea gulesego wara, ti yupa'alesi la itego la itego pa'alesi yelebea dŋla poore. Ti la pa'ale yeti ti tu yeti tu kumese ya me suŋa suŋa doose yu'ura, yusŋsi, yupa'alesi, itego la itego pa'alesi gulesego wara duma la zã'a Gurene tŋgum zamesego wa puan. Gulesego wara wa ti ya zamese wa ya ta'am dike make la Solemiine tŋgum gulesego wara duma la bise.

Zamesego Puti'ira:

1. Gulese yelesum duma ti la doose Gurene yu'ura la yusŋsi yelebea gulesego wara la n de se'em la.
2. Gulese yelesum duma ti la doose Gurene yupa'alesi yelebea gulesego wara la n de se'em la.
3. Gulese yelesum duma ti la doose Gurene itego yelebea gulesego wara la n de se'em la.

Putɛdaasi

- Yu'ura yelebea ni tuna la Ita tuune, namesa veki tuune la namesa n dagi veki tuuma, pa'aleseko nyaa le pa'ase de la zuo yelebinaare.
- Yusŋsi me ta'am ni ta dɛna ita yelebire bii namesa yelebire yelesum puan.
- Yupa'alesi pa'ali la yu'ure la n ani se'em yelesum puan. Bala la yu'ure yelebire la ni wa'am yia gee ti yupa'alega yelebire la doose poore Gurene tŋgum la puan.

- Itego yelebea pa'ali la itego n iŋe bii itego la n iŋe zo'e pae se'em beene. Ghana tɔgum la zo'e zo'e itego yelebea la ka pa'ali zo'ore wuu tu san ni ta sɔsera. Ghana tɔgum zo'e zo'e puan, yu'ura la itego yelebea la ka guleseri naara taaba gee ba ni gulese gã la tɔka tɔka. Yusɔsi me boi ba tɔka la bala nuu Gurenɛ puan.
- Itego pa'alesi ni pa'ala la itego yelebire la gee ba ta'am me kelum pa'alɛ itego pa'alesi sisesi n iti se'em mɛ.

YU'URA

Tu daa pugum diŋe sɔse yu'ura yelebea wa yele mɛ bɔbedina sa la puan. Tu yi yu'ura yelebea la asi'a gee daa sɔse a buuri la n tigese doose se'em la mɛ.

Ti'isego sokere: Fu wan nyaŋe tɛra Gurenɛ yu'ura buuri buuri la? Gulese ba biŋe.

Yu'ura yelebea de la nɛreba yu'ura, tinsi yu'ura, dūsi la lɔgerɔ yu'ura. Saŋa zo'e zo'e puan la, yelesum woo ni tara la yu'ure yelebire diyima bii gaŋe bala. Yu'ure la yudɔlesi ta'am doose taaba wuu dɔlesina wa la, a, wa, bii baseba.

Yusɔseŋa

Yusɔseŋa de la yelebire woo n wan ta'am sɔe/soe ze'ele bo yu'ure yelebire yelesum puan. Magese wuu e, eŋa, ba, bama, ina, kana, mam, fum, tumam, yamam, etc. Ba ta'am tum yu'ure yelebire tuuma.

Zaam zaam baŋe ti: Gurenɛ tɔgum la puan, yusɔsi la ka tari sesi n pa'ali pɔgesi gee ti sesi me pa'ala budaasi. Ba zã'a de la buyima. Yamam sake ti yele wa de yelemiŋere? Nyaa sɔse ya gee yi yusɔsi seba zã'a n gee la pa'alɛ ya tikeya la.

Zamesekuna wa puan, tu sɔse la tu doli waresi'a gulesa yu'ura la yusɔsi.

Tuunɛ

Bise sinii wa gee ti ya sɔse pa'alɛ ya puti'ira n de se'em yesera yu'ura yelebea tuuma puan.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Nananewa, nyaa dike ya gulese sela make la sela n boi tilim wa bise:

Yu'ura yelebea n ita

1. Yu'ura yelebea yelesum gulesego wara la boi tōka tōka yesera la Ghana tōgesebo ti fu tōgera. Gee zā'a waabi la, yu'ura tuni la:

a. Ita yelebire bōna yelesum duma puan

Yu'ura yelebea la ni bōna la ita yelebire zi'an la yelesum puan. Bama n ni wa'am yian gee ti sēla nyaa doose poore yele yele wuu tōgesebo n tari SVO (Ita, Itego, Namesa) wara la. Magese wuu:

- i. **Akolego** kiŋe faara yire.
- ii. **Gōno** la iŋe la lagefō.
- iii. **Yem** n de maalego.

Fu san biŋe yelesum duma wa n boi zuon wa, Akolego, gōno, la yem n boi ita yelebire zi'an la.

b. Namesa yelebire yelesum puan (namesa veki la namesa n dagi veki)

Yu'ura yelebea me ta'am kelum tum namesa tuuma yelesum puan. Namesa la ta'am dena namesa veki bii namesa n dagi veki. Magese wuu:

- i. Tu da la gōno bo Atampōka (Namesa veki)
- ii. Mam dike la peni bo Azuure (Namesa n dagi veki).
- iii. Akuka bo la Atule **bo'olum** (Namesa veki)
- iv. Akuta da bo'olum bo **Abugere** (Namesa n dagi veki).

c. Yu'ura yelebea asi'a me ni pa'ala la yu'ura asi'a yelesum puan. Yusi'a n pa'ali yu'ura asi'a yelesum puan la baseba n ŋwana wa. Magese wuu:

- i. **Kuto** dukō la boi Atia zi'an.
- ii. **Sukuu** la nuure la yu me.
- iii. Ba da **gama** tapō.

d. Yu'ure n de zuo yelebinaare puan: Yu'ure yelebire la ta'am ta dena zuo bōna yelebinaare puan. Magese wuu:

- i. **Peni** iŋe la lagefō
- ii. **Bō'o** la puan tulege.
- iii. Tu boi **yire**.

iv. **Yikāte** la lui me zina.

Zaam zaam baŋe tii: Wara дума la ti tu tara gulesera yelesum дума la boi tōka tōka yeŋera la tōgum woo la bu wara.

Zā'a waabi la, yusōosi tuune de la:

- a. Ita yelebire yelesum дума puan. Mageŋe wuu:
 - i. **Mam** kiŋe la sukuu.
 - ii. **Tu** biseri la sinii daare woo.
 - iii. **Ba** la' pupeelum la'arō.
- b. Yusōosi me ta'am kelum dena Namesa yelebire me yelesum puan (Namesa veki bii namesa n dagi veki). Mageŋe wuu seba n boi tilum wa:
 - i. Aduŋo nye **e**. (Namesa veki).
 - ii. Abua dike la peni bo **e**. (Namesa n dagi veki).
 - iii. Abua **e** la peni. (Namesa n dagi veki)
 - iv. Tikiya la bo **tu** la yire tuune (Namesa veki).

Tuune

1. Pa'ale yu'ure yelebire n de sela gee bo pa'alesi pae bii gaŋe pia. Sōse fu lebesego дума pa'ale deo la zā'a.
2. Yayi yayi, gulesē ya yu'ure tuuma yela n de sela bayi biŋe. Nyaa dike ya lebesego дума la pae ya taaba la ti ya sōse.
3. Pa'ale yelebire yusōoseŋa n de sela gee bo pa'alesi pae bii gaŋe pia. Sōse fu lebesego дума pa'ale deo la zā'a.
 - a. Ya pu se'em la, kāale ya sōsega wa n gā tilum wa suŋa suŋa gee pa'ale yu'ura la yusōosi yelebea n si'a bōna bini.
 - b. Dike yu'ura yelebea anuu ti fu nye sōsega la gulesē yelesum ta'ama. Maasum gee mina yeti ti fu dike fu tuune yese deo wa puan ti ya sōse.
 - c. Dike yusōosi yelebea atā ti fu nye sōsega la puan la gulesē yelesum дума. Maasum gee mina yeti ti fu dike fu tuune yese deo wa puan ti ya sōse.

Baasi

Baasi de la dunsesi ti tu zã'a mina suŋa suŋa duniya wa n gã'are zã'a. Ba boi la buuri buuri ti ba suŋa la me bɔna tɔka tɔka, inaana aŋa, la ba mu'uŋo. Ba de dūsi n tari nama-anaasi n ze'ele saseŋa buuri tuusum la puan. Yine n maale nremina base tiŋa wa zuo yia la n tari saseŋa wa nyɔgera godūsi, ti ba malum neresala nyaa lagum la nereba ke bala wa paam zina beere wa. La san dena nera pupeelum, nɔŋere, nereba ziile, la nereba zoolum yela ba mi bala me gee sake bo ba nereba. Zã'a waabi la, baasi wuni yuŋo me paa. Ba me kelum wuna voole me gee ta'am bɔgesa damenɔ la suŋa. Sela n base ti baasi tara na'asego la de la ba san kumesi e a wan ta'am tum tuunse'ere woo ti fu bɔta. Baasi ta'am suŋe fɔosi me daare, la san le dena la sinsua nyie baasi ta'am iŋe sela me ŋwana suŋa leni base nereba pɔa pɛera. Baasi me ta'am kelum nyuuse wum nyuŋo bii baŋe sela nyuŋo ti ba san pugum dike magezini duma ɛera ti ba wum nyuŋo la ba kan wum. La baasi yelesuma wa zã'a ti ba tuna suŋera nereba wa, ba voi yuura ti ba ni yem yue pae yuum pian (10) tara paara yuuma pia la anuu (15) ma'a. Fu san bise ba tuulum yela wa ti ba tara suŋera nereba wa, nereba zo'e zo'e tingɔŋo wa zuo nɔŋe baasi yeke me ba yea puan.

Tuume

1. pa'alɛ yelebɛa wa ti beene buɛ a tiŋa la tuuma n de sela. Dike fu lebesego la make la fu tadaana tuunɛ bise.
 - a. Kɔma la n mi gɔŋo paa la zaam kiŋe la sore.
 - b. Mam bo Atia ligeri.
 - c. Tikiya la daa gulese iŋe zamesego dangooaale la zuo.
 - d. Ba tole Navrongo.
 - e. Nera la n boi loore la puan da paanu bo e.

AMAAMBISE SOKERE DUMA

1. Dike fumiŋa yelebea gārese pa'alē sela n de yu'ura n pa'ali yu'ura asi'a n ani se'em (epithet). Bo pa'alesi siyi (2 examples) gee sōse fu lebesego la pa'alē fu tadaana.
2. Ya tikiya la bo sōsega gōŋa (passage) n tari daaŋo. Kāalē ya sōsega gōŋo (passage) la ti ya tikiya la boy a la gee pa'alē daaŋo la n de seto bōna bini.
3. Sōse yusōŋa n de namesa veki la yusōŋa n dagi namesa veki tuuma n de sela Gurene puan. Dike make tōgesebo ti wuna pa'ase Gurene la puan gee bise ba ani se'em.
4. Bo yelebinaaresi pa'alesi sinuu (5 examples) ti yu'ure yelebire dena zuo ylebinaaresi la puan. Dike fu lebesego la sōse pa'alē deo la zā'a.
5. Yayi yayi, gulese yelesum duma pia ti yusōsi dena Ita yelebire. Loe Ghana tōgesebo woo ti fu mina dike fu lebesego la make bise gee sōse pa'alē deo la zā'a.

AMAAMBISE SOKERE DUMA LA LEBESEGO DUMA

1. Yu'ura n pa'ali yu'ura asi'a de la yu'ure yelebire n pa'ali yu'ure yelebire dise'ere n ani se'em (epithet) zo'e zo'e puan la yu'ure yelebise'ere n de pa'alego yelebire la ni wa'am yian gee yu'ure yelebise'ere n de zuo la nyaa doose poore. Magese wuu **Sukuu** la dangoone la lui.
2. Lebesego дума la boi la sɔsega gɔŋɔ (passage) ti yikiya la dike bo ya. Yele ya e ti a boy a lebesego дума la. Bise eja n bo ya lebesego дума sɛba la gee bise fumiŋa lebesego дума la..
3.
 - i. Aduŋɔ nyɛ **e**. (Namesa vɛki).
 - ii. Abua dike la peni bo **e**. (Namesa n dagi vɛki).
4. Yu'ura yelebea n de zuo yelebinaaresi puan
M.w.
 - a. Mam nyɛ **tia** la n de wɔge la.
 - b. **lokɛka** la ba koose e.
 - c. Kaara la koori la **tiisi** n de tisuma.
 - d. **Yire** la n de yikɛka la ka ani nari ti nɛreba ki'ira bini.

EXTENDED READING

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Click on the link below for a video on noun functions in English grammar.
3. [Noun Functions in English Grammar with Examples](#)

SELA N BOI BINI

Ya pugum diŋe zamese yupa'alega yelebēa. Pu ya taaba tigera puan dike yupa'alega yelebēa gulese yelesum дума butā ti ya wan ta'am dike gārese sela n gā tilum wa:

- a. Ya zamesego deon
- b. Fu zōsuŋo
- c. Fu sukuu kōrenkōrum
- d. Fu yire/buuri

Yupa'alega yelebire de la yelebire n gāreseri bii n maam pa'ala yu'ure. Yupa'alega yelebēa tari gāresera la nera bii sela aŋa yesera bii magesera la sela ayima me.

Zaam zaam baŋe ti: Yeledina wa nari ti di zamese doose la Gurene puan. Magese wuu:

- a. Ataŋa nōŋe la yikegesi
- b. Budibela la wōge *me gee dena bāalega*.
- c. Atampōka **ba'am wake gana** a tā la me.

Yelesum (a) puan, *kēgesi* gāreseri pa'ala la yise'ere taaba ti tōgera la nōŋe. Yelesum (b) puan, *wōge* la *bāalega* gāreseri pa'ala la budibela la n ani se'em. Yelesum (c) puan, **ba'am wake gana** dikeri la Atampōka la a tā la yem beene makera taaba.

Yupa'alega yelebēa wara дума/tuuma

Wara si'a ti tu tara gulesera yupa'alega yelebēa yelesum дума boi la yima yima Gaana tōgum дума la puan.

Yupa'alega yelebēa wara дума/tuunsi'a n kō'om bōna Gaana tōgum woo puan:

1. La maam pa'ala la yu'ure yelesum puan. Magese wuu:
 - a. **Yesabelega** la zoti kalam kalam gana yiiri ise'i la.
 - b. Ma nyē la yikāte.
2. Ba ni bōna la yu'ure la ti ba pa'ala la ki'ileŋa bōba ti yu'ure la yupa'alega la nyaa lebege yelebita'anē. Magese wuu:
 - a. Yire + sabelega = **Yisabelega**.
 - b. Pōka + kāte = **Pōgekāte**.

Yelesum (a) puan, yire de la yu'ure yelebire gee ti sabelega dena yupa'alega yelebire. Fu me san dike yire la sabelega lagum taaba, fu nyaa wan nyē la yisabelega. Bala miŋa me nuu ti pōka la kāte wan lebege pōgekāte.

Ya me kelum le zamese yupa'alega yebeba buuri buuri. Magese wuu:

Dike yupa'alesi mopi gulese yelesum дума

- a. *Lodina* de la paale.
- b. *Yidine* de la mam so dine.

Dike adikemake yupa'alesi gulese yelesum дума

- a. Dikana de la *naana* dia.
- b. Fu lagefo la *pa'e gana* ma lagefo la me.

Dike e zuni se'em yupa'alesi gulese yelesum дума

- a. Ma da la mui *ise'i*.
- b. Gono *zo'e zo'e* n boi mam daka puan.

Dike pa'alego yupa'alesi gulese yelesum дума

- a. Loore la *kegelum* me.
- b. Dia la tari la *nimpiilum*.

Zaam zaam baŋe ti: Gulesa wara si'a ti tu tara gulesera yupa'alesi Gurene puan la.

Tuune 1 (Abayi tuune):

1. Bise yupa'alega yebeba pia n ga tilum wa. Dike ba gulese yelesum дума. Fu san wan ta'am, pefrege fumiŋa gulese yelesum ta'ama bii hali yelesum дума n ta ka zuna.
 - a. Yelekirega
 - b. Insiire
 - c. Sunsua
 - d. Daami
 - e. Gaŋe
 - f. Ma'a
 - g. Niŋ
 - h. Nofekate
 - i. Yelekegesi
 - j. Tibegere
2. Nyaa nae la fu tadaana ti ya zamese fu gulese yebeba si'a la naane. Yamam nye la beni? Maasum ti ya dike yamam n nye sela la sose pa'ale zamesego deo la.

Tuune 2

1. Gulese yupa'alega yelebea pia biŋe.
2. Dike yupa'alesi la sinuu gulese yelesum дума yesera yelesum dum buuri buuri wa n gã tilum wa.
 - a. Yelesum yonja
 - b. Yelesum ta'anɛ
 - c. Yelesum n ta ka zuna
3. Doose fu gulese yelesi'a la puan gãrese pa'alɛ wara si'a n boi yupa'alesi gulesego Gurene puan.

AMAAMBISE SOKERE DUMA

1. Kãale sãsega gõŋo (passage) wa n boi tilum wa gee pa'ale yupa'alesi pia n boi bini.

Nereba zo'e zo'e nyaa baŋe yeti ba itegõ la n de sa'anõ daana tu kõrum kõrum la se'em. Tu wan gura tu kõrum kõrum la se'em ti la ana suŋa nari ti la dena la Nimmu'ure yele bõ'õra tu zã'a. Amaa, nereba fii wa n tari mi'ilum ŋwana pika leni yesera tu wan gura tu kõrum kõrum suŋa se'em. A la ka pake mam hali la ti tu tara la base ti tu sa'ana tu kõrum kõrum la me daare woo. Magese wuu, a ka'e sãgerõ base zi'an woo ka gãsera, sãgerõ basega, wurõba duma basega yoo yoo, etc. Tu san ka base tu hale be'o wa, saŋa kini na ti tu beere kan ta ta'am ŋmibe la yelesi'a n paari ba la yesera la tumam hale be'o wa zuo. La de la mam la fum zugere yele ti tu iŋe a la nari n de sela la gu ti tu kõrum kõrum wa da sa'am tole. La kõ'om dena la tu tuune ti tu te'ele iŋe sela gu sela n de Yine-bo'olum wa tingõŋo wa zuo. Tu hale be'o wa ti tu tara bõna bõna kõrum kõrum wa nyaa liiba de la saŋa woo tu ko'om dita tu la, dia dikere sige bõna tiŋa etc.

Dike yupa'alesi la ti fu nyẽ la gulese yelesum duma pia n de yelesum n ta' ka zõna

AMAAMBISE SOKERE DUMA LA LEBESEGO DUMA

1. Kāale sōsega (passage)wa n boi tilum wa gee pa'ale yupa'alesi la n boi bini la.
 - a. zo'e zo'e
 - b. sa'aŋo
 - c. kōrum kōrum
 - d. zuon
 - e. fi
 - f. pika
 - g. suŋa
 - h. la ka pake
 - i. daare woo
 - j. gāseŋo
 - k. be'em
 - l. beere
 - m. ka ŋmiberi
 - n. tam base
 - o. la nari se'em
 - p. te'ele iŋe
 - q. Yinε-bo'olum
 - r. Saŋa woo
 - s. tiŋa/tilum
2. Dike yupa'alesi la ti nyε la gulese yelesum pia n de yelesum n ta' ka zōna yelesum duma. Baseba n ŋwanaa n boi tilum wa.
 - a. Piisego pa'ase la mam *daare woo* tuune puan.
 - b. Fu san ka bō'ora girema fu tari hali *be'o*.

EXTENDED READING

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɛɔɛlɔ*. Aflao: Victus Printing Services, Market Square
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

SĒLA N BOI BINI

Itego la itego pa'alesi yelesum duma gulesego Ghana togum duma la puan tari la wara asi'a. Wara ana wa n sujeri ti putise'ere ti fu gulesera la ta'am niira suja suja bo'ora mina n kaali la. Fu san dola wara duma la gulesera Ghana togum duma la puan, la sujeri me ti yelesum duma la tara vuure fu guleseri bu togesebo puan la.

Itego yelebɛa (Verbs)

Gee ti tu ta'am pose wara duma la, base ti tu tie tumisi yɛsera itego yelebɛa n de si'a. Bise yelesum wa n ga tilum wa. Yelebisi'a n take sabega la de la itego yelebɛa.

1. Kua saja woo kaareba la **yuuseri** vaala me.
2. Azuma daare koma la ni kiŋe la nama **kiŋe** sukuu.
3. Tumam ni **so'osa** me daare woo bulika kpemesa tu ija.

Itego de la yelebire, bii yelebinaare n garesi pa'ala itego, itego la n iti se'em. Itego yelebɛa ni bona la yelesum la miŋa nyu'o la puan. Letita me, itego yelebire de la zuudaana yelesum la nyu'o puan.

Itego yelebɛa yelesum gulesego wara duma

Wara si'a ti ba tara gulesera itego yelebɛa Ghana togum puan la boi la yima yima togum woo puan. Wara duma la asi'a n njwana:

1. Itego yelebɛa ni pa'ala la tuunse'ere ti ita la tuna yelesum la puan. Magese wuu:
 - a. Saja woo baa la ni bona la kuleŋa la nuuren **wɔsera**. Kalam, itego yelebire n de **wɔsera** la yeti tu la ita la n de 'baa la' iti sela kuleŋa la nuuren.
 - b. Sukuu koma la **bã'ari** me kina sukuu daare bulika. Itego yelebire n de 'bã'ari' yeti tu la tuunse'ere ti iteba la n de 'sukuu koma la' tuna.
2. Itego yelebɛa pa'ali la ita la n ani se'em yelesum la puan. Magese wuu: Aduŋo n gulese teesi la ba'ase la, a nyaa **tari** pupeelum me. Kalam, itego yelebire n de 'tari' yeti tu la ita la n de 'Aduŋo' agurebise la pooren.

3. Itego yelebɛa tuni la zuudaana tuunɛ yelesum la nyu'ɔ puan. Magesɛ wuu:
- Loma'asere la ba'am **zɔta** zɔ'ora mɛ. Itego yelebire n de 'zɔta' la de la zuo nyu'ɔ yelesum la puan, ba'am zɔta zɔ'ora.
 - Sukuu kɔma la **bã'ari** mɛ kina sukuu daare bulika. Kalam me, itego yelebire n de 'bã'ari' de la zuudaana nyu'ɔ yelesum la puan, 'bã'ari kina sukuu daare woo bulika.

Zaam zaam baŋɛ ti: *Wara asi'a boi mɛ ti ba tara gulesera itego yelebɛa Ghana tɔgum la busebo puan. Magesɛ wuu:*

4. Gurenɛ tɔgum puan, itego yelebɛa la ni gulesɛ la a yima la yusɔɔseŋa la yelesum la puan. Magesɛ wuu:
- A di ya.
Kalam, yusɔɔseŋa la de la 'A' gee me gulesɛ yɛsera itego yelebire n de 'di' la zi'an.
 - Ba da bua.
Make dina wa puan, yusɔɔseŋa la 'Ba' gulesɛ a yima yɛsera a itego yelebire la 'Da' zi'an.

Tuunɛ 1

Dikɛ fumiŋa yelebɛa la fu gãrese pa'ale itego yelebire n de sɛla. Dikɛ itego yelebɛa pia magesɛ pa'ale.

Tuunɛ 2

Dikɛ yelebɛsi'a ti fu magesɛ pa'ale la (Tuunɛ 1) gulesɛ yelesum duma bunuu bunuu yelesum duma buuri buuri wa n gã tilum wa puan:

- yelesum yɔsi
- yelesum ta'ama
- yelesum dum n ta ka zuna

Tuunɛ 3 (Abayi tuunɛ)

- Bisɛ itego yelebɛa pia wa n gulesɛ gã tilum wa. Dikɛ ba gulesɛ yelesum duma. Fu san wan ta'am, p̃erege fumiŋa gulesɛ yelesum ta'ama bii hali

yelesum duma n ta ka zuna. Yelebea la zã'a ka pa'ale a itego zi'an – fu ta'am tee a yesera la fu zamesego la zuo n de sela.

- a. Voole
- b. Tu
- c. Nɔŋɛ
- d. Nyuuse
- e. Dena
- f. Na'are ŋmi'a
- g. Zamese
- h. Diŋo
- i. Ana
- i. Vo'ose

Nyaa nae la fu tadaana ti ya zamese fu gulese yelebesi'a la naane. Yamam n gulese yelebesi'a la doose wara la ti ya zamese zamesekuna wa puan? Maasum ti ya dike yamam n nye sela la sose pa'ale zamesego deo la.

Tuune 4

- a. Gãrese pa'ale itego yelebea buuri buuri ti ya zamese zamesekuna wa puan.
- b. Gulese itego yelebea n pae anuu itego buuri buuri duma la ti ya zamese la puan gee dike fu gulese yelebesi'a la puan gulese yelesum duma yesera buuri buuri la puan.

Atumpa'ase (Additional Activity)

Pu ya taaba tigera puan gãrese pa'ale wara si'a ti tu tara gulesera itego yelebea zamesekuna wa puan. Magese wuu:

- a. Yusooŋeŋa san bona ita la boŋa zi'an.
- b. Yusooŋeŋa san bona namesa la boŋa zi'an.

Itego pa'alega

Tu nan ko'om bise la wara si'a ti tu gulesera itego yelebea yelesum duma wa. Nyaa base ti tu bise wara si'a ti tu tara gulesera itego pa'alesi yelesum duma.

Yamam kelum t̃era itego pa'alesi n de s̃ela?

Itego pa'alega yelebire de la yelebire bii yelebinaarega n maam pa'ala itego yelebire bii itego pa'alega kayima me g̃aresera pa'ala itego la iti zi'an, sans̃eka, la ku iŋe p̃ae se'em. Itego pa'alesi n boi yelesum puan n ŋwana boi tilum wa:

1. Ba wa'am **kalam** (zi'an).
2. Tu p̃ae la karefa **ayop̃oi bulika** (saŋa).
3. Boole ŋmi'ireba tigere la ŋm̃e la **pupeelum** (la iŋe p̃ae se'em).

Itego pa'alesi la n boi zuon yelesum la puan la de la; **kalam, ayop̃oi bulika la pupeelum.**

Wara дума/Tuuma

Itego pa'alega yeleb̃ea gulesego wara дума la boi la yima yima Ghana T̃ogum дума la puan.

Wara дума/tuuma la asi'a n ŋwana:

1. Itego pa'alega yeleb̃ea tuni wuu zuudaana la itego pa'alega yelebinaarega puan. Mages̃e wuu
 - a. Budaasi la ba'am t̃oge la **ke'em ke'em**.
 - b. De'eŋo la ba'ase la ŋwana ỹẽe.

Itego pa'alega yeleb̃ea **ke'em ke'em** la ỹẽe tuni itego pa'alega yelebinaaresi tuuma gee kelum dena naaresi la zuto.

2. Ba tuune de la ba maam pa'ale itego pa'alega yelebire la. Mages̃e wuu
 - a. Boole ŋmi'ireba la **ba'am** ŋm̃e la **suŋa**.
 - b. Sukuu k̃oma la **ba'am** gulese ba g̃ono la **suŋa**

Yelesunsebo n boi zuon la puan, itego pa'alega yeleb̃ea '**ba'am**' maam pa'ala la itego pa'alega yeleb̃ea n de '**suŋa**' la.

Tuune 1

- a. G̃arese pa'ale itego pa'alega yelebire n de s̃ela ya tigere la puan gee dike yamam n g̃arese s̃ela la mages̃e la baseba tigera.
- b. Gulese itego pa'alega yeleb̃ea pia Gurene puan mages̃e pa'ale.

Tuune 2

Dike itegō pa'alega yebeba la ti fu gulese (a) puan la gulese yelesum duma bunuu bunuu yelesumduma buuri buuri duma wa n gā tilum wa:

- a. yelesum yōŋa
- b. yelesum ta'anē
- c. yelesum n ta ka zuna

Tuune 3 (Abayi tuune)

1) Biŋe itegō pa'alega yebeba pia n boi tilum wa. Dike ba gulese yelesum duma. Fu san wan ta'am, pērege fumiŋa gulese yelesum ta'ama bii hali yelesum duma n ta ka zuna.

- a. Ke'em ke'em
- b. Zina
- c. Kalam
- d. Suŋa suŋa
- e. Kalam kalam
- f. Beere
- g. Yiŋa
- h. La nari se'em la
- i. Malum tagesetagese
- i. Nananewa

Nyaa naē la fu tadaana zamese fu gulese sela la naanē. Yamam n gulese yebeba si'a la doose wara la ti ya zamese zamesekuna wa puan? Maasum ti ya dike yamam n nyē sela la sōse pa'alē zamesego deo la.

AMAAMBISE SOKEREDUMA

1. Kãale yelesum wa suŋa suŋa gee pa'ale itego yelebɛa la itego pa'alega yelebɛa la zã'a n boi bini la.

Ba kãbela kalam kalam ti ba ba'ase ba gulesewogero la, ba maambise sɛla woo la ŋwana suŋa suŋa ti ba ta'am baŋɛ ti sɛla woo iŋɛ doose suŋa suŋa. Ba nyaa dikɛ ba tuunɛ la bɔ mɛ gee mina suŋa suŋa ti bama nyaŋɛ tum ba p̃ɛregerɛ tuunɛ n de se'em la. Pa'ala la kãale ba gulese sɛla la mɛ suŋa suŋa gee gɔ'ɔsa zuo ti la pa'ale ti ba ba'am tum tuunɛ la suŋa suŋa. Sukuu kɔma la ukera la nyiima, ti la dena put̃ikeko ti bama nyaŋɛ ya.

2. Dikɛ itego yelebɛa la itego pa'alega yelebɛa ti fu nye kãalego la puan la gulese yelesum duma bunuu doose wara duma la ti fu zamesɛ la puan.

AMAAMBISE SOKEREDUMA LEBESEGO DUMA

Itego yelebea --- ba'ase, maambise, bo, go'osa, ukera.

Itego pa'alega yelebea --- kalam kalam, suŋa suŋa, putikeko.

Gulese yelesum дума doose lasebaari la ti fu kaale la.

EXTENDED READING

1. Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.
2. Ago, S.A. (1992). *Agoo*. Ghana Publishing Company.
3. Amartey A.A. (1966). *Omanye aba*. Bureau of Ghana Languages.

REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education Service (GES)

